

Վարձակալության իրավական ծև ներառող գործարքների բովանդակության գնահատումը

Հղումներ

- ՀՀՍՍ 8 Հաշվապահական հաշվառման քաղաքականություն, փոխոյնություններ հաշվապահական հաշվառման գնահատումներում և սխալներ
- ՀՀՍՍ 11 Կառուցման պայմանագրեր
- ՀՀՍՍ 17 Վարձակալություն (2003 թ. Վերանայված տարբերակ)
- ՀՀՍՍ 18 Հասույթ
- ՀՀՍՍ 37 Պահուստներ, պայմանական պարտավորություններ և պայմանական ակտիվներ
- ՀՀՍՍ 39 Ֆինանսական գործիքներ. ճանաչումը և չափումը (2003 թ. Վերանայված տարբերակ)
- ՖՀՍՍ 4 Ապահովագրության պայմանագրեր

Հարցադրում

- 1 Կազմակերպությունը կարող է չկապակցված կողմի կամ կողմերի (Ներդրող) հետ մտնել վարձակալության իրավական ծև ունեցող գործարքի կամ մի շարք կառուցվածքային գործարքների (համաձայնություն) մեջ: Օրինակ՝ Կազմակերպությունը կարող է Ներդրողին վարձակալության տալ ակտիվներ և նույն ակտիվները հետ վարձակալել կամ, որպես այլընտրանք, իրավական տեսանկյունից վաճառել ակտիվները և նոյն ակտիվները հետ վարձակալել: Յուրաքանչյուր համաձայնության ծեր և պայմանները կարող են գգալիրեն տարբերվել: Վարձակալության տալու և հետ վարձակալելու օրինակում հնարավոր է, որ համաձայնության նպատակն է հարկային առավելություն ապահովել Ներդրողին, որն այն կիսում է Կազմակերպության հետ վճարի տեսքով, և ոչ թե փոխանցել ակտիվի օգտագործման հրավունքը:
- 2 Եթե Ներդրողի հետ համաձայնությունը ներառում է վարձակալության իրավական ծև, հարցերը հետևյալն են՝
 - (ա) ինչպես որոշել, արդյոք մի շարք գործարքներ կապակցված են և պետք է հաշվառվեն որպես մեկ գործարք.
 - (բ) արդյոք համաձայնությունը բավարարում է ՀՀՍՍ 17-ի վարձակալության սահմանմանը, և եթե ոչ, ապա՝
 - (i) արդյոք առանձին ներդրումային հաշիվը և վարձավճարների գծով պարտականությունները, որ կարող են գոյություն ունենալ, իրենցից ներկայացնում են Կազմակերպության ակտիվներ և պարտավորություններ (օրինակ՝ տես Ա հավելվածի Ա2(ա) պարագրաֆում նկարագրված օրինակը).
 - (ii) ինչպես Կազմակերպությունը պետք է հաշվարի համաձայնությունից բխող այլ պարտականություններ.
 - (iii) ինչպես Կազմակերպությունը պետք է հաշվարի այն վճարը, որը կարող է ստանալ Ներդրողից:

Փոխանաձայնություն

- 3 Մի շարք գործարքներ, որոնք ներառում են վարձակալության իրավական ծև, կապակցված են և պետք է հաշվառվեն որպես մեկ գործարք, եթե դրանց ընդհանուր տնտեսական ազդեցությունը հնարավոր չէ հասկանալ առանց այդ գործարքների շարքը որպես մեկ ամբողջություն

- դիտարկելու: Սա այն դեպքն է, օրինակ, եթե մի շարք գործարքներ սերտորեն փոխկապակցված են, բանակցվել են որպես մեկ գործարք և տեղի են ունեցել միաժամանակ կամ անընդհատ հաջորդականությանը (Ա հավելվածը լուսաբանում է սույն Մեկնաբանության կիրառումը):
- 4 Հաշվապահական հաշվառումը պետք է արտացոլի համաձայնության բովանդակությունը: Համաձայնության բովանդակությունը որոշելու համար այն պետք է գնահատվի՝ հաշվի առնելով բոլոր տեսանկյունները և հետևանքները՝ կարևորելով այն տեսանկյունները և հետևանքները, որոնք ունեն տնտեսական ազդեցություն:
- 5 ՀՀՍՍ 17-ը կիրառվում է այն դեպքերում, եթե համաձայնության բովանդակությունը ներառում է ակտիվի օգտագործման իրավունքի փոխանցում որոշակի ժամանակահատվածով: Նախանշանները, որոնք առանձին վերցրած վկայում են, որ համաձայնությունն իր բովանդակությանը կարող է չներառել վարձակալություն՝ ըստ ՀՀՍՍ 17-ի, ներառում են (Բ հավելվածը լուսաբանում է սույն Մեկնաբանության կիրառումը):
- (ա) Կազմակերպությունը պահպանում է հիմքում ընկած ակտիվի սեփականության հետ կապված բոլոր ռիսկերն ու հատուցները և պահպանում է ակտիվի նկատմամբ, ըստ էլույան, ույս իրավունքները, որոնք ունեցել են նախքան համաձայնությունը.
- (բ) համաձայնության հիմնական նպատակը հարկային առավելություն ապահովելն է, այլ ոչ թե ակտիվի օգտագործման իրավունքի փոխանցումը.
- (գ) ներառված է օպցիոն այնպիսի պայմաններով, որ որա իրագործումը մեծապես հավանական է (օրինակ՝ վաճառքի օպցիոն, որն իրագործելի է սպասվելիք իրական արժեքից բավարար բարձր գնով՝ այդ օպցիոնի իրագործելի դաշնալու պահին):
- 6 <հնունքների 49-64-րդ պարագաներում տրված սահմանումները և ուղեցույցը պետք է կիրառվեն՝ որոշելու համար, թե արդյոք առանձին ներդրումային հաշիվը և վարձավճարի գծով պարտականությունները, ըստ էլույան, ներկայացնում են Կազմակերպության ակտիվներ և պարտավորություններ: Նախանշանները, որոնք միասնաբար ցույց են տալիս, որ, ըստ էլույան, առանձին ներդրումային հաշիվը և վարձավճարների գծով պարտականությունները չեն բավարարում ակտիվի և պարտավորության սահմանումներին և չպետք է ճանաչվեն Կազմակերպության կողմից, հետևյալն են.
- (ա) Կազմակերպությունն իր նպատակները հետապնդելիս չի կարող վերահսկել ներդրումային հաշիվը և պարտավորված չէ վճարել վարձավճարները: Նման իրավիճակ առկա է, եթե, օրինակ, կանխավճարը ներդրողին պաշտպանելու նպատակով փոխանցվում է առանձին ներդրումային հաշիվն, որը կարող է օգտագործվել միայն ներդրողին վճարումներ կատարելու համար, և ներդրողը համաձայնվում է, որ վարձավճարները վճարվեն այդ ներդրումային հաշիվոց, իսկ Կազմակերպությունն ի վիճակի չէ արգելվ ներդրումային հաշիվոց վարձավճարների վճարումը ներդրողին.
- (բ) Կազմակերպությունը ենթակա է միայն աննշան ռիսկի, որ կփոխհատուցի ներդրողից ստացված վճարների ամբողջ գումարը և հավանաբար կվճարի հավելյալ գումար, կամ, եթե վճարներ չեն ստացվել, ենթակա է միայն աննշան ռիսկի, որ այլ պարտականությունների (օրինակ՝ երաշխիքի) դիմաց գումար կվճարի: Վճարում կատարելու միայն աննշան ռիսկը առկա է, եթե, օրինակ, համաձայնության պայմանները պահանջում են, որ կանխավճարի գումարը ներդրվի ռիսկից գերծ ակտիվների մեջ, որոնք, ըստ ակնկալության, կգոյացնեն բավականաչափ դրամական հոսքեր՝ վարձավճարների գծով պարտականությունները մարելու համար.
- (գ) համաձայնության սկզբում տեղի ունեցող դրամական հոսքերից բացի, համաձայնության շրջանակներում ակնկալվող միակ դրամական հոսքերը վարձավճարներն են, որոնք մարվում են սկզբնական դրամական հոսքերից գոյացած առանձին ներդրումային հաշիվոց դուրս բերված միջոցներով:
- 7 Համաձայնության այլ պարտականություններ՝ ներառյալ տրամադրված ցանկացած երաշխիք և վաղաժամկետ դադարեցման ժամանակ ստանձնված պարտականությունները, պետք է հաշվառվեն համաձայն ՀՀՍՍ 37-ի, ՀՀՍՍ 39-ի կամ ՖՀՍՍ 4-ի՝ կախված համաձայնության պայմաններից:

- 8 ՀՀՍՍ 18-ի 20-րդ պարագրաֆի չափանիշները պետք է կիրառվեն յուրաքանչյուր համաձայնության փաստերի և հանգամանքների նկատմամբ՝ որոշելու համար, թե երբ պետք է վճարները ճանաչել որպես եկամուտ, որը կարող է ստանալ Կազմակերպությունը: Պետք է հաշվի առնվես այնպիսի գործոններ, ինչպիսիք են՝ շարունակվող ներգրավվածությունը՝ վճարը վաստակելու համար անհրաժեշտ ապագա արդյունքների հետ կապված նշանակալի պարտականությունների ծեռվ, պահպանված ռիսկերի առկայությունը, ցանկացած երաշխիքային համաձայնության պայմանները և վճարների վաղաժամկետ վճարման ռիսկը: Նախանշանները, որոնք առանձին վերցրած վկայում են, որ ամբողջ վճարի ճանաչումը որպես եկամուտ, երբ այն ստացվում է համաձայնության սկզբում, ճիշտ չէ, ներառում են:
- (ա) որոշակի նշանակալի գործողություններ իրականացնելու կամ դրանցից ձեռնպահ մնալու պարտականությունները հանդիսանում են ստացված վճարը վաստակելու պայմաններ, և հետևաբար իրավաբանորեն պարտադրող համաձայնագրի կնքումը ամենակարևոր գործողությունը չէ, որ պահանջվում է համաձայնությամբ.
 - (բ) հիմքում ընկած ակտիվի օգտագործման վրա դրվում են սահմանափակումներ, որոնք գործնականում սահմանափակում կամ նշանակալիորեն փոփոխում են Կազմակերպության կողմից այդ ակտիվի օգտագործման (օրինակ՝ սպառելու, վաճառելու կամ գրավ դնելու) հնարավորությունը:
 - (գ) Ստացված վճարի որևէ մասը վերադարձնելու և հավանաբար որոշ հավելյալ գումար վճարելու հավանականությունը ամնշան չէ: Սա տեղի է ունենում, երբ, օրինակ՝
 - (ա) հիմքում ընկած ակտիվը մասնագիտացված ակտիվ չէ, որը պահանջվում է Կազմակերպության գործունեությունը վարելու համար, և հետևաբար առկա է հավանականություն, որ Կազմակերպությունը գումար կվճարի համաձայնությունը վաղաժամկետ դադարեցնելու համար. կամ
 - (բ) Կազմակերպությունը համաձայնության պայմանների պահանջով կամ իր մասնակի կամ լիիրավ հայեցողությամբ պետք է ներդնի ստացված կանխավճարն ավելի, քան աննշանակալի ռիսկայնությամբ (օրինակ՝ արժութային, տոկոսադրույթի կամ պարտքային ռիսկերի տեսանկյունից) ակտիվներում: Այս պարագայում, աննշան չէ այն ռիսկը, որ ներդրման արժեքը բավարար չի լինի վարձավճարների գծով պարտականությունների կատարման համար, և, հետևաբար, հնարավոր է, որ Կազմակերպությունից պահանջվի վճարել որոշակի գումար:
- 9 Վճարը պետք է ներկայացվի համապարփակ եկամտի հաշվետվության մեջ՝ հիմնվելով դրա տնտեսական բովանդակության և բնույթի վրա:

Բացահայտում

- 10 Համաձայնությունը, որը չի ներառում ՀՀՍՍ 17-ով սահմանված՝ վարձակալության բովանդակություն ունեցող գործադր՝ պետք է ոհտարկվի բոլոր տեսանկյուններից՝ համաձայնությունը և հաշվապահական հաշվառման որդեգրված մոտեցումը հասկանալու համար անհրաժեշտ բացահայտումները որոշելու նպատակով: Համաձայնության առկայության յուրաքանչյուր ժամանակաշրջանում Կազմակերպությունը պետք է բացահայտի հետևյալը.
- (ա) համաձայնության նկարագրությունը, ներառյալ՝
 - (i) հիմքում ընկած ակտիվը և դրա օգտագործման հետ կապված ցանկացած սահմանափակում.
 - (ii) համաձայնության գործողության ժամկետը և այլ նշանակալի պայմաններ.
 - (iii) կապակցված գործարքները, ներառյալ ցանկացած օպցիոն.
 - (բ) ստացված ցանկացած վճարի նկատմամբ կիրառված հաշվապահական հաշվառման մոտեցումը, ժամանակաշրջանի ընթացքում որպես եկամուտ ճանաչված գումարը և համապարփակ եկամտի հաշվետվության հոդվածը, որում այն ներառված է:

- 11 Սույն Մեկնաբանության 10-րդ պարագրաֆում պահանջվող բացահայտումները պետք է կատարվեն յուրաքանչյուր համաձայնության համար առանձին կամ միասնական՝ համաձայնությունների յուրաքանչյուր դասի համար: Դասը համաձայնությունների խումբն է, որոնց հիմքում ընկած են միևնույն բնույթի ակտիվներ (օրինակ՝ Էլեկտրակայաններ):

Փոխհամաձայնության ամսաթիվը

2000 թ. փետրվար

Ուժի մեջ մտնելը

Սույն Մեկնաբանությունը ուժի մեջ է մտնում 2001 թ.-ի դեկտեմբերի 31-ին: Հաշվապահական հաշվառման քաղաքականության փոփոխությունները պետք է հաշվառվեն ՀՀՍՍ 8-ի համաձայն: